

Taarifa za Bima ya Afya kwa Familia Hamiaji

Kuna chaguo nyingi zaidi zinazopatikana ya bima za afya kwa watu binafsi na familia kuliko hapo awali. Hapo chini kuna taarifa ya kukusaidia kuelewa chaguo tofauti zinazopatikana za bima ya afya kwa wahamiaji, familia zenye hadhi mchanganyiko za uhamiaji na watu binafsi ambao hawako kwenye rekodi.

Je, ni chaguo zipi zinazopatikana za bima ya afya kwa ajili ya wahamiaji?

Kulingana na hadhi ya uhamiaji, wewe au jamaa wa familia yako wanaweza kuomba:

- **Mipango iliyoko katika Soko la Bima ya Afya:** Watu binafsi na familia ambazo ni raia wa Marekani au wako Marekani kihalali wanaweza kununua bima ya afya kuitia Soko la Bima ya Afya. Wale wenye kipato kufikia \$46,680 kwa mtu binafsi au \$95,400 kwa familia ya watu wanne wanaweza kuomba msaada wa kifedha ambao unaweza kupunguza gharama ya mpango wao wa bima ya afya.
- **Medicaid:** Watu wazima ambao ni raia wa Marekani au wahamiaji wanaohitimu wanaweza kuomba bima ya Medicaid wenye kipato cha hadi \$1,342 kwa mwezi kwa mtu binafsi au \$1,809 kama wanandoa. Medicaid ni mpango wa bima ya afya ambao hutoa bima ya afya kwa gharama ndogo au bila gharama. Medicaid hutoa huduma zinazofanana na mipango binafsi ya bima za afya.
- **Wamama na Watoto Wachanga (Moms & Babies):** Wanawake wajawazito wanaweza kuhitimu kupata huduma ya Moms & Babies wenye kipato hadi \$2,792 kwa mwezi kwa nyumba nzima kwa mtu binafsi na \$4,233 kwa familia ya watu wanne, bila kujali hadhi ya nyaraka. Moms & Babies ni programu inayotoa huduma ya bima kwa gharama ndogo au bila gharama kwa wanawake wakiwa wajawazito na kwa siku 60 baada ya mtoto kuzaliwa. Moms & Babies hutoa huduma zinazofanana na mipango binafsi ya bima za afya.
- **Watoto Wote:** Watoto wa hadi umri wa miaka 19 wanaweza kustahili kupata All Kids wenye kipato cha \$4,168 kwa mwezi kwa nyumba nzima kwa familia ya watu wawili na \$6,320 kwa familia ya watu wanne, bila kujali hadhi ya nyaraka. All Kids hutoa bima pana ya afya kwa gharama ndogo au bila gharama, na hutoa huduma zinazofanana na mipango binafsi ya bima za afya.

Je, ni hadhi zipi za uhamiaji zinazozingatiwa kama “kuwepo kihalali?”

Ili kununua bima ya afya kuitia Soko la Bima ya Afya, lazima uwe raia wa Marekani au “uwepo kihalali” Marekani. Maneno “kuwepo kihalali” inajumuisha wahamiaji ambao:

- Wanahitimu kuwa na hadhi ya uhamiaji ya asiye-raia, ikijumuisha Wakazi Halali wa Kudumu (LPR/Wenye Green Card).
- Hadhi za kibinaadamu, ikijumuisha Hadhi Isiyodumu Iliyolindwa, Hadhi Maalum za Watoto, Mkataba Dhidi ya Utesaji, Waombaji Kimbilio, na waathirika wa usafirishaji haramu.
- Viza halali zisizo za uhamiaji.
- Hadhi halali kutoka katika sheria zingine, kama vile hadhi ya mkazi asiye wa kudumu, Shelia ya LIFE, na watu binafsi wa Umoja wa Familia.

Je, na ikiwa niko ndani ya kipindi cha kusubiri cha miaka mitano kwa ajili ya Medicaid?

Wakazi wengi Halali wa Kudumu (LPRs) lazima wasubiri miaka mitano kabla ya kuhitimu kupata Medicaid. Ukiangukia ndani ya kipindi hiki cha kusubiri cha miaka mitano, unaweza kununua bima ya afya kwenye Soko la Bima ya Afya na huenda ukapokea msaada wa kifedha. Ukikamilisha kipindi cha kusubiri cha miaka mitano, unaweza kuomba Medicaid au unaweza kuendeleza bima yako kupitia Soko la Bima ya Afya kulingana na kipato cha nyumba yako nzima.

Je, bima ya afya inahesabiwa kama “mzigo kwa serikali?”

Kujisajili katika bima kupitia Medicaid au Soko la Bima ya Afya kwa kutumia msaada wa kifedha haukufanyi wewe kuwa “mzigo kwa serikali.” Hii inamaanisha kwamba kwa ujumla haitaathiri fursa yako ya kuwa Mkazi Halali wa Kudumu au raia wa Marekani.

Bima ya afya inaweza tu kuchukuliwa kuwa kama mzigo kwa serikali ikiwa unaishi katika kituo cha serikali, kama vile makazi ya wazee au makazi ya uuguzi wa afya ya akili. Hii hajumuishi makazi kwa vipindi vifupi kwa ajili ya marekebisho ya kimwenendo. Ni Familia chache sana za wahamiaji zinapaswa kuwa na wasiwasi kuhusu kuwa mzigo kwa serikali, na watu wengi binafsi na familia nyingi zinaweza kuomba bima ya afya bila wasiwasi.

Je, na ikiwa familia yangu ina hadhi mchanganyiko?

Familia zingine hamiaji ni za “hadhi mchanganyiko,” ikimaanisha ni sehemu ya nyumba ambamo jamaa wa familia moja wana hadhi tofauti za uhamiaji na uraia. Familia zenye “hadhi mchanganyiko” zinaweza kutuma maombi ya bima kupitia Medicaid au Soko la Bima ya Afya kwa jamaa wa familia wanaohitimu na msaada wa kifedha huenda ukapatikana kwa jamaa wa familia amba ni raia wa Marekani au wako kihalali. Jamaa wa familia amba hawaombi bima ya afya kwa ajili yao binafsi hawatahitajika kutoa hadhi zao za uhamiaji.

Je, hadhi ya uhamiaji ya jamaa wote wa familia inahitajika kufichuliwa kwenye ombi?

Hapana. Hautahitajika kutoa taarifa kuhusu hadhi ya uraia au uhamiaji ya jamaa ye yeyote wa familia au nyumba ambaye hatumi maombi ya bima. Pia hautanyimwa manufaa kwa sababu tu jamaa wa familia au nyumba ambaye hatumi maombi hajafichua hadhi yake ya uraia. **Taarifa iliyotolewa na watumaji maombi au wanaonufaika haitatumiwa kwa madhumuni ya utekelezaji wa uhamiaji.**

Je, kama sipo kwenye rekodi?

Ikiwa haupo kwenye rekodi, unaweza kununua bima ya afya moja kwa moja kutoka kwenye makampuni ya bima. Wanawake wajawazito na watoto amba hawapo kwenye rekodi huenda wakahitimu kupata bima kwa mipango ya Moms & Babies na All Kids ya Illinois kutokana na kipato chao cha nyumba nzima, na watu wengine wazima amba hawapo kwenye rekodi huenda wakastahili kupata Medicaid ya dharura ili kutibu hali ya dharura.